

## 22 Das IV. Hundert außertesener

aqua Regis, auff Liechtgelb / so wird er braun rot/  
wie rote Zigelstück / vnd im einrühren heiß werden/  
denselben thue in ein Glas wie ein Ey gestalt / setz in  
ein eiserne Capell oder Hasen / gib ihm einen gan-  
zen Tag starck Feuer / so wird derselbig zu einem  
Glas werden.

### XXIX.

Ein köstliche Essentiam Martis zu machen/  
so zu der Arzney gar nutzlich vnd  
gut ist.

**N**imb ein Lot Martis / ein Lot aquilæ herme-  
ticae, das impastiere miteinander mit Baumöl/  
darauff schütte siedendes Wasser / vñ laß eine Süsse  
extrahieren / vnd das so oft gethan / biß daß es nicht  
mehr süßes extrahieren will: Dann filtrier / vnd  
laß es abrauchen / biß es so dick wird als eine Lat-  
wergen.

Alsdann geuß darauff einen guten spiritum  
vini, der recht vnd wol rectificirt sey / vnd extrahiere  
die quintam essentiam Martis, schön vnd auff das  
höchste rot / so wirst du ein edle essentiam Martis ha-  
ben / so überaus köstlich in der Arzney in mancher-  
ley Zufällen zu gebrauchen seyn wird.

### XXX.

Ein köstliche Arzney wider den  
Stein.

**N**imb ein wolcascinirtes / oft solviertes / gerei-  
nigtes / filtriertes vnd außgetrücknetes sal car-  
tari,